



Ioannes natus est in Iuliacēsi ducatu anno circi-
 ter 1460. Is post prima artium fundamenta in pa-
 tria percepta, sese hinc inde ad Academias contu-
 lit, atq; philosophiæ studio diligentem operam na-
 uavit. In artium quoq; curriculo adeò profecit, ut
 æquales suos apud Belgas plurimum superaret. In-
 de Coloniam peruenit, atq; Medicinæ incumbens
 Doctoris insignia omnium applausu sibi compa-
 ravit. Vnde etiam in ea Academia professor cōsti-
 tutus fuit. Scripsit is Dialecticam in 10 tractatus di-
 gestam, qua omnia eius artis præcepta Aristoteli-
 cæ breuiter & luculenter complexus est, quæ po-
 stea passim in studiosorū manibus non sine fructu
 circumlata. Præterea Rhetoricam ex optimis autoribus collectam. Plinij etiã
 aliquot de Re naturali libros emēdauit & scholijs illustrauit. Cum hoc modo
 Cæsarius ob monumenta à se edita Erasmo Roterodamo familiaris esset, &
 omnibus doctis per Germaniã innotuisset, tandē cum 80 annum excessisset,
 anno 1543 Colonie obiit, et in monasterio Vuidenbach fratrum S. Hieronymi
 honestè sepultus fuit. Eras. lib. 10. Epist. Con. Gest.